

Addiko Bank

5) Opći uslovi korištenja Addiko EBank, Addiko Mobile, Addiko Mobile samostalne usluge i Addiko SMS usluge za fizička lica-v.1.17

Uvodne odredbe: Ovim Općim uslovima Addiko Bank d.d. Sarajevo utvrđuje prava, obaveze i uslove korištenja usluge internet bankarstva Addiko EBank, mobilnog bankarstva Addiko Mobile i servisa za kratke poruke Addiko SMS (u daljem tekstu: usluge). Usluge su namijenjene domaćim i stranim fizičkim licima koja imaju otvoren tekući račun u Banci.

Osnovni pojmovi:

Korisnik usluge - domaće ili strano fizičko lice koje ima otvoren tekući račun u Banci i koristi uslugu.

Identifikacioni uređaj/token - oprema koja omogućava siguran pristup Addiko Ebank.

Statička lozinka - lični identifikacioni broj - šifra pomoću koje se osigurava zaštita od neovlaštenog korištenja identifikacionog uređaja.

SMS OTP - jednokratna lozinka koja se šalje SMS porukom koja se koristi za pristup Addiko Ebank servisima, za aktivaciju usluge, kao i za autorizaciju naloga.

Nalog za plaćanje - postupak pri kojem korisnik putem Addiko EBank-a i Addiko Mobile nakon uspješne identifikacije, prenosi Banci zahtjeve i podatke za izvršenje bankarske usluge.

Računi - tekući račun, devizni račun.

Addiko Ebank - Elektronsko Bankarstvo

Addiko Mobile - Usluga Addiko Mobile je namijenjena razmjeni informacija i obavljanju bankarskih transakcija fizičkog lica koje ima otvoren tekući račun u Addiko Banci.

Addiko Mobile samostalna usluga - Addiko Mobile aplikacija koju je Korisnik instalirao kao samostalnu uslugu, koja nije vezana sa tekućim računom, omogućava Korisniku uvid u druge bankarske usluge koje koristi u Banci, a koje su vidljive u aplikaciji te služi kao kanal komunikacije i obavještanja Korisnika od strane Banke o proizvodima, bez mogućnosti iniciranja bilo koje transakcije.

Addiko SMS - primanje kratkih tekstualnih poruka putem mobilnog telefona o stanju i promjenama po tekućem računu.

Radnje koje prethode zaključenju ugovora: U pregovaračkoj fazi Korisnik aktivno učestvuje i posredstvom standardnih informacionih listova se upoznaje sa svim bitnim elementima ugovora, kao i sa općim uvjetima. U toku pregovaračkog postupka sva potrebna dodatna obavještenja i obrazloženja može dobiti od uposlenika Banke kao i nacrt ugovora po pismenom zahtjevu, i to bez naplate dodatnih troškova. Potpisom ugovora Korisnik potvrđuje da su mu prije zaključenja ugovora uručeni standardni informacioni listovi, te da je upoznat sa općim uvjetima korištenja Addiko EBank, Addiko Mobile i Addiko SMS, koji su dostupni u poslovnim prostorijama i na web stranici Banke, da je upoznat sa načinom izmjene i da je saglasan sa primjenom istih na ugovor. Banka će Korisniku, na njegov zahtjev, dostaviti opće uslove korištenja Addiko EBank, Addiko Mobile, Addiko Mobile samostalne usluge i Addiko SMS.

Ugovaranje i aktiviranje usluge Addiko Ebank, Addiko Mobile i Addiko SMS:

Korisnik usluge Banci dostavlja podatke, a Banka će nakon provjere podataka utvrditi da li su ispunjeni uslovi za korištenje usluge, te ukoliko utvrdi da su ispunjeni potrebni uslovi Banka će odobriti korištenje usluge i zaključiti ugovor o korištenju usluge. Banka ima pravo odbiti zahtjev vlasnika tekućeg računa za korištenje usluge, bez obrazloženja.

Uslovi izvršenja naloga za plaćanje za usluge Addiko Ebank i Addiko Mobile: Korisnik usluge nakon uspješne identifikacije prenosi Banci zahtjeve i podatke za izvršenje bankarske usluge, tj. nalog za plaćanje.

Banka će izvršiti nalog za plaćanje kada su ispunjeni svi uslovi za izvršenje, u skladu sa zakonskim propisima i internim aktima Banke.

U trenutku kada nalog za plaćanje uđe u informacioni sistem Banke i Banka potvrdi njegovo preuzimanje jedinstvenim tekućim brojem, smatra se da je nalog za plaćanje preuzet na izvršenje od strane Banke.

Addiko Bank

U slučaju da nalog za plaćanje nije moguće izvršiti, Banka će korisnika obavijestiti o razlozima odbijanja.

Nalog za plaćanje će biti izvršen u roku i u skladu sa zakonskim propisima i poslovnom politikom Banke.

Korisnik može vršiti plaćanja po osnovu usluge Addiko Ebank i Addiko Mobile u visini raspoloživih sredstava na svojim računima koje ima u Banci, ali ne više od 10.000 KM dnevno ukupno za obje usluge, dok minimalan iznos po transakciji iznosi 1,00 KM, bez obzira na vrstu transakcije.

Uslovi aktiviranja i korištenja Addiko Mobile samostalne usluge:

Addiko Mobile samostalna usluga aktivira se instaliranjem aplikacije i prihvatanjem ovih Općih uslova korištenja usluge od strane Korisnika koji je klijent Banke.

Opći uslovi korištenja usluge su obavezujući i predstavljaju pravni osnov kojim se reguliše pravo korištenja Addiko Mobile samostalne usluge.

Ukoliko dođe do izmjene općih uslova koji se odnose na uslove aktiviranja i korištenja Addiko Mobile samostalne usluge Korisnik će o tome biti upoznat kroz Addiko Mobile aplikaciju. Ukoliko Korisnik nije saglasan sa izmjenom dužan je o tome pismeno ili elektronski obavijestiti Banku i neće moći nastaviti koristiti uslugu.

Addiko Mobile samostalna usluga ne omogućava Korisniku davanje naloga za plaćanje niti prenos novčanih sredstava sa računa na račun, ali Korisnik može primiti uplatu od treće strane ukoliko ima otvoren račun u Banci.

Banka, niti njeni zaposlenici, niti bilo koja druga strana koja omogućava ili podržava korištenje Addiko Mobile samostalne aplikacije neće biti odgovorni za bilo kakvu štetu koja proizilazi iz ili u vezi sa ovim uslovima ili korištenjem Addiko Mobile samostalne aplikacije.

Banka ima pravo da putem Addiko Mobile samostalne aplikacije šalje Korisniku obavještenja o svojim ponudama, aktivnostima, proizvodima i uslugama, u vidu elektronskih poruka, brošura ili drugih načina poslovne komunikacije. Ukoliko Korisnik ne želi da prima navedene poruke može o tome obavijestiti Banku pozivom na broj telefona: +387 (0) 33 866 666 ili slanjem poruke na e-mail info.fbih@addiko.com ili može deaktivirati tu funkcionalnost u Addiko Mobile samostalnoj aplikaciji u okviru glavnog menija pod „Postavke“ u dijelu „PUSH notifikacije“.

U svrhu korištenja Addiko Mobile samostalne usluge Banka ima pravo obrađivati lične podatke Korisnika koji su neophodni za funkcionisanje aplikacije i pružanje potrebnih usluga. Više o obradi Vaših ličnih podataka možete pronaći na linku <https://www.addiko-fbih.ba/o-nama/informacije-o-obradi-licnih-podataka>, putem telefona: +387 (0) 33 866 666, ili putem e-maila info.fbih@addiko.com.

Ovi Opći uslovi će se izvršavati i tumačiti u skladu sa zakonima Bosne i Hercegovine, a u slučaju spora nadležan je sud u Sarajevu.

Ukoliko Korisnik želi proširiti korištenje Addiko Mobile samostalne aplikacije na vršenje transakcija ili bilo koju drugu svrhu koja nije moguća u okviru samostalne aplikacije, potrebno je da sa Bankom zaključi poseban ugovor o korištenju proizvoda kojeg želi, te ugovor o korištenju Addiko Mobile aplikacije sa dodatnim funkcionalnostima.

Uslovi korištenja usluge otplate na rate za Addiko Mastercard kreditnu karticu: Korisnik Addiko Ebank aplikacije u opciji Računi i kartice /Mastercard kreditna kartica/ Podjela transakcija unosi tražene podatke o transakciji i odabere broj rata (min 2, max 24 rate).

Korisnik Addiko Mobile usluge, u opciji pregleda transakcija/rezervacija odabere transakciju koju želi podijeliti na rate i unese broj rata (min 2, max 24 rate).

O statusu zahtjeva za podjelu transakcije na rate, Korisnik Addiko Ebank ili Addiko Mobile usluge će biti obaviješten porukom koju zaprima u pretincu Poruke.

Uslovi korištenja SMS usluge: Addiko SMS usluga korisniku omogućava primanje kratkih tekstualnih poruka putem mobilnog telefona o stanju i promjenama po tekućem računu za iznose iznad 30,00 KM (KM račun i devizni).

Korisnik usluge može da sam inicira dobijanje poruke o stanju računa ili da dobija poruke nakon promjene u minimalnom iznosu od 30,00 KM.

Addiko Bank

Addiko SMS usluga pruža sljedeće informacije:

- Poruka o stanju tekućeg računa prikazuje knjigovodstveno stanje, prikazuje iznos dozvoljenog prekoračenja/limita, te ukupno dostupna sredstva (stanje + dozvoljeno prekoračenje - rezervisana sredstva).
 - Obavijest nakon priliva i odliva u minimalnom iznosu od 30,00 KM po tekućem računu
- klijent dobija SMS poruku sa informacijom o stanju računa nakon proknjižene promjene u minimalnom iznosu od 30,00 KM koja se desi na tekućem računu.

Obaveze korisnika: Ukoliko korisnik zaključi ugovor o korištenju usluge sa Bankom dužan je da prilikom korištenja navedene usluge poštuje Opće uslove korištenja i da se pridržava Uputstva za korištenje usluge za fizička lica, te ugovora i zakonskih propisa. Korisnik je dužan držati na sigurnom mjestu Identifikacioni uređaj (token, tj. opremu koja omogućava siguran pristup AddikoEBank) i statičku lozinku (lični indetifikacioni broj, tj. šifru pomoću koje se omogućava zaštita od neovlaštenog korištenja uređaja) koju korisnik sam definiše i ne smije ih predati drugoj osobi. Ukoliko korisnik posumnja ili utvrdi da je s njegovom statičkom lozinkom upoznata druga osoba može istu promijeniti u bilo kojem trenutku (način promjene statičke lozinke opisan je u Uputstvuza korištenje usluge za fizička lica).

Dodatna objašnjenja korisnik može zatražiti pozivom Kontakt centra na besplatan broj 080 020 06 ili na broj +387(0)33866 666 radnim danom od 07:30 -19:30h i subotom od 08:00- 14:30h ili putem e-mail adrese: info.fbih@addiko.com.

Korisnik je obavezan osigurati minimalne uslove za pristup sistemu Internet bankarstva, uključujući i pristup Internetu.

Korisnik se obavezuje da će izdavati naloge za plaćanje u visini raspoloživih sredstava na računu osnovnog korisnika i pridržavati se ugovora između korisnika i Banke. Korisnik može izdati naloge za plaćanje do iznosa utvrđenog ugovorom o korištenju usluge Addiko EBank/Addiko Mobile. Korisnik je dužan podmiriti sve troškove korištenja usluge, prema važećem tarifniku Banke.

Korisnik putem Addiko EBank i Addiko Mobile ne smije vršiti onu vrstu plaćanja za koje mu je neophodna određena dokumentacija bez koje dokumentacije ne bi mogao obaviti navedena plaćanja u prostorijama Banke.

U slučaju da korisnik prekrši odredbe iz prethodnog stava odgovara za nastalu štetu.

Gubitak ili krađu identifikacionog uređaja korisnik je dužan prijaviti Banci pozivom Kontakt centra na telefon besplatan broj 080 020 06 ili na broj +387(0)33 866 666 radnim danima od 08:00 - 18:00h. Banka neće biti odgovorna za štetu nastalu do trenutka prijave gubitka ili krađe. Banka će troškove novog identifikacionog uređaja naplatiti prema važećem tarifniku Banke. Korisnik je također odgovoran za štetu koja nastane kao posljedica korisnikovog rukovanja identifikacionim uređajem. Korisnik je prije početka korištenja usluge Addiko SMS dužan osigurati minimalne tehničke uslove potrebne za pristup sistemu Addiko SMS, što podrazumijeva mobilni telefon i aktivan telefonski broj jednog od mobilnih operatera.

Korisnik je obavezan obavijestiti Banku o promjeni broja mobilnog telefona, gubitku ili krađi mobilnog telefona pisanim putem ili pozivom Kontakt centru na telefon broj +387(0)33 866 666 ili 0800 2 0206 radnim danima od 08:00 - 18:00h. Pisana obavijest se dostavlja u najbližu poslovnu jedinicu Banke. Ako Korisnik ne postupi u skladu s navedenim odredbama, snosi odgovornost za nastalu štetu. Odgovornost Korisnika za štetu nastalu zbog promjene broja mobilnog telefona, gubitka ili krađe mobilnog telefona prestaje ukoliko je na gore opisane načine obavijestio Banku ili Kontakt centar u toku radnog vremena.

Korisnik je odgovoran za štetu nastalu zbog eventualnog davanja informacija neovlaštenoj osobi.

Krađa identiteta: Korisnik je dužan čuvati svoje indentifikacione podatke i ne dijeliti lične informacije sa nepoznatim osobama. Korisnik usluge ne smije odgovarati na E-mail poruke u

Commented [AK(B1): Radno vrijeme Kontakt centra jeste radnim danima od 08:00-18:00 h, subotom se ne radi.

Addiko Bank

kojima se traže njegovi povjerljivi podaci, jer Banka nikada neće korisniku slati elektronsku poštu u kojoj od korisnika traži da ažurira svoje povjerljive/lične podatke na taj način.

Obaveze Banke: Banka izvršava naloge za plaćanje u skladu s Općim uslovima, te u skladu sa zakonskim propisima i internim aktima Banke. U slučaju neizvršenja naloga, nastalog zbog greške korisnika usluge, Banka ne snosi odgovornost.

Svi postupci korisnika usluge se evidentiraju u informacionom sistemu Banke i pohranjuju uskladu sa zakonskim propisima i internim aktima Banke.

Za smetnje i prekinde u telekomunikacionoj mreži, te moguću štetu nastalu zbog nemogućnosti pristupa uslugama, bez obzira na razlog, Banka ne odgovara.

Banka ima pravo izvršiti privremenu blokadu korištenja usluge, ukoliko korisnik usluge propusti plaćanje dospjelih obaveza prema Banci, kao i zbog opravdane sumnje u zloupotrebu, ili zbog kršenja odredbi Ugovora o korištenju usluge, odnosno Općih uslova korištenja, uz obavijest korisnika.

Garantni rok za tokene: Banka izdaje garanciju na tehničku ispravnost tokena u trajanju od 6 mjeseci od dana potpisivanja Ugovora o korištenju Addiko EBank usluge. Garancija ne vrijedi u sljedećim slučajevima:

- fizičko oštećenje uređaja usljed pada ili upotrebe sile,
- oštećenja usljed djelovanja tekućine,
- otvaranje ili popravak uređaja od strane neovlaštene osobe,
- kvarovi uređaja izvan garantnog roka.

Ukoliko se utvrdi da kvarovi na tokenu podliježu garanciji, korisnik je dužan popuniti i potpisati Zahtjev za zamjenski token te vratiti neispravni, a Banka će mu bez naknade dodijeliti novi token.

Rok važenja SMS OTP-a: Banka je definisala rok važenja SMS OTP od devedeset (90) sekundi od trenutka slanja istog korisnika. Nakon isteka navedenog perioda, korisnik preuzima od Banke novu SMS OTP.

Naknada za izvršene usluge: Banka će naplatiti troškove korištenja usluge, u skladu sa važećom Odlukom o naknadama za usluge u poslovanju sa stanovništvom, sa računa korisnika usluge. Mjesečna članarina za korištenje usluge naplaćuje se automatski sa tekućeg računa vlasnika, odnosno sa deviznog, ili sa svih ostalih računa korisnika u Banci, ukoliko na naprijed navedenim računima ne bude dovoljno sredstava za namirenje duga. Naknada za učinjene transakcije se obračunava i naplaćuje sa računa korisnika na način kao u prethodnom stavu ove tačke. U slučaju da korisnik ne osigura dovoljan iznos sredstava na računu kod Banke za namirenje svih obaveza po dospelju istih, Banka ima pravo izvršiti otkaz ugovora o korištenju usluge, te izvršiti naplatu dugovanja.

Otkaz korištenja usluge: Usluge može otkazati svaka ugovorna strana bez navođenja posebnog razloga.

Otkaz korištenja usluge može zatražiti korisnik, s tim da je potrebno prilikom otkaza da popuni zahtjev za zatvaranje proizvoda i usluga, te istovremeno izvrši izmirenje svih do tada nastalih obaveza, troškova, i naknada. Otkaz usluge koju je zatražio korisnik, stupa na snagu danom punjavanja Zahtjeva za zatvaranje proizvode i usluga.

Banka će otkazati korištenje usluge, između ostalog, ako korisnik prekorači svoja prava ili krši odredbe općih uslova ili ugovora o korištenju usluge koje je dogovorio s Bankom, te zakonske propise. Ukoliko Banka izvrši otkaz predmetne usluge korisniku će uputiti obavijest o otkazu preporučenom poštanskom pošiljkom na posljednju poznatu adresu korisnika, čime će se smatrati da je isti uredno obaviješten, a ugovor se smatra otkazanim istekom roka od 7 dana od dana slanja obavijesti otkaza.

Addiko Bank

Minimalni tehnički uslovi za korištenje usluge: Korisnik je dužan ispuniti minimalne tehničke uslove za korištenje usluge.

Za Addiko SMS: mobilni telefon i aktivan telefonski broj jednog od mobilnih operatera

Za Addiko EBank-a:

Operativni sistem: Windows 8.1, preporučuje se Windows 10, macOS 10.14

Internet pretraživač: MS Edge v40, Mozilla Firefox v56. ili noviji, Google Chrome v64. ili noviji, Safari 13.0.5 ili noviji.

Preporučuje se korištenje jedne od posljednje dvije verzije navedenih pretraživača, zbog poboljšane sigurnosti i korisničkog iskustva.

- Brzina internetske veze 512Kbps, preporučena 2Mbps i više
- Hardware je određen operativnim sistemom i izabranim pretraživačem Minimalna

Preporučena konfiguracija računara:

- Procesor Intel Pentium Core 2 Duo 1.86GHz ili ekvivalentan AMD procesor
- Radna memorija 4GB
- Grafička kartica s podržanom 2D akceleracijom
- Slobodan prostor na tvrdom disku 10GB Za Addiko Mobile
- Pametni mobilni uređaj
- Pristup internetu s uređaja
- Android verzija 5.0 ili noviji
- iOS verzija 8 ili noviji

Završne odredbe: Ovi opći uslovi su sastavni dio ugovora kojeg zaključuje Banka i klijent, kao i sve naknadne promjene općih uslova, koji su dostupni u poslovnim prostorijama i na web stranici Banke.